



Na osnovu člana 65. Zakona o visokom obrazovanju („Službene novine Kantona Sarajevo“ br. 36/22 i 28/25), člana 20a. Zakona o radu Federacije Bosne i Hercegovine („Službene novine Federacije BiH“ br. 26/16, 89/18, 44/22 i 39/24), člana 3. a u vezi sa članovima 6. i 7. Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo br. 19/21, 10/22, 28/23 i 32/24), člana 15. Pravilnika o radu Univerziteta u Sarajevu broj: 02-2-4-1/24 od 30. 01. 2024. godine i Odluke o izmjenama i dopunama Pravilnika o radu Univerziteta u Sarajevu broj 02-2-4/24 od 23. 07. 2024. godine, Odluke Vlade Kantona Sarajevo o davanju saglasnosti Univerzitetu u Sarajevu za popunjavanje radnih mjesta, broj: 02-04-44422-12/25 od 04. 09. 2025. godine, Univerzitet u Sarajevu, *raspisuje*

JAVNI OGLAS
za prijem radnika u radni odnos

PODACI O POSLODAVCU:

Naziv: Univerzitet u Sarajevu

Sjedište: Obala Kulina bana 7/II, 71000 Sarajevo

www.unsa.ba

NAZIV RADNOG MJESTA:

1. **Interni revizor – Jedinica za internu reviziju Univerziteta u Sarajevu, 1 (jedan) izvršilac, na neodređeno vrijeme, sa punim radnim vremenom, uz probni rad od 3 (tri) mjeseca**

USLOVI:

Pored općih uslova propisanih Zakonom o radu („Službene novine FBiH“, broj: 26/16, 89/18, 44/22 i 39/24), kandidati trebaju ispunjavati i sljedeće posebne uslove:

- VSS/180-240 ECTS ekonomski ili pravni fakultet,
- minimalno 3 godine radnog staža u struci nakon stjecanja diplome o završenom visokom obrazovanju,
- certifikat internog revizora za javni sektor u Federaciji BiH izdat od strane Federalnog ministarstva finansija,
- poznavanje rada na računaru,
- poznavanje engleskog jezika i
- da nije u sukobu interesa u smislu odredbi člana 12. Zakona o internoj reviziji u javnom sektoru u Federaciji BiH

OPIS POSLOVA:

- implementiranje programa revizije za vrijeme obavljanja aktivnosti revizije,
- informiranje rektora ili dekana revidirane članice o početku revizije, uz prezentaciju pisanog ovlaštenja,
- proučavanje dokumentacije i uvjeta značajnih za formulisanje objektivnog mišljenja,

- obrazloženje nalaza objektivno i istinito u pisanoj formi uz priložene dokaze,
- informiranje rukovodioca jedinice interne revizije ako se, za vrijeme obavljanja revizije, pojavi sumnja na nepravilnosti i/ili prevare,
- pravljenje nacrtu revizorskog izvještaja i razmatranje istog sa rektorom ili dekanom revidirane članice,
- uključivanje u završni revizorski izvještaj svih mišljenja rektora ili dekana revidirane članice,
- dostavljanje nacrtu i finalnog revizorskog izvještaja rukovodiocu jedinice interne revizije,
- u slučaju sukoba interesa vezano za reviziju hitno informiranje rukovodioca jedinice interne revizije,
- vraćanje svih originalnih dokumenata nakon završetka revizije,
- čuvanje svake državne, profesionalne ili poslovne tajne koju je saznao u toku interne revizije i
- čuvanje svih radnih zabilješki nastalih u vrijeme obavljanja interne revizije,
- drugi poslovi po nalogu neposrednog rukovodioca i rektora/Upravnog odbora Univerziteta, a koji su u vezi sa djelokrugom rada interne revizije.

(O djelokrugu rada detaljnije na web stranici www.unsa.ba, u dijelu „Propisi Univerziteta u Sarajevu“ – član 68. (14) Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu <https://www.unsa.ba/o-univerzitetu/propisi/pravilnik-o-unutrasnjoj-organizaciji-i-sistematizaciji-radnih-mjesta>)

MJESTO OBAVLJANJA RADA:

Univerzitet u Sarajevu, Obala Kulina bana 7/II, 71000 Sarajevo

RADNO VRIJEME: 8,00 – 16,30 sati, 40 sati sedmično

Osnovna plaća: 2.280,00 KM

OBAVEZNA DOKUMENTACIJA KOJU KANDIDATI DOSTAVLJAJU UZ PRIJAVU (ORIGINAL ILI OVJERENE KOPIJE):

- vlastoručno potpisana prijava na javni oglas,
- kratka biografija/CV,
- uvjerenje o državljanstvu – (original ili ovjerena kopija, ne starije od 6 mjeseci),
- izvod iz matične knjige rođenih (ovjerena kopija),
- diploma o završenom visokom obrazovanju (VSS – 180–240 ECTS, ekonomski ili pravni fakultet) (ovjerena kopija),
- dokaz o radnom iskustvu u struci – minimalno 3 godine nakon stjecanja diplome o završenom visokom obrazovanju; dokaz se prilaže u obliku potvrde poslodavca sa obaveznom naznakom radnog mjesta i perioda trajanja radnog odnosa (ovjerena kopija),
- certifikat internog revizora za javni sektor u Federaciji BiH izdat od Federalnog ministarstva finansija (ovjerena kopija),
- dokaz o poznavanju rada na računaru (ovjerena kopija),
- dokaz o poznavanju engleskog jezika (ovjerena kopija),
- ovjerena izjava da kandidat nije u sukobu interesa u smislu odredbi člana 12. Zakona o internoj reviziji u javnom sektoru u Federaciji BiH.

Dodatna/neobavezna dokumentacija koju kandidati dostavljaju uz prijavu na javni oglas

- Potvrda/Uvjerenje o radnom iskustvu - original ili ovjerena kopija (potvrda poslodavca kod kojeg je kandidat radio ili radi, sa obaveznom naznakom o stručnoj spremi sa kojom je obavljao navedene poslove, i naznakom ukoliko je kandidat zaposlen na određeno vrijeme).
Kandidati dostavljaju navedenu potvrdu o radnom iskustvu ukoliko ostvaruju pravo prioriteta u zapošljavanju (dostavlja je lice koje ima prednost prilikom zapošljavanja u skladu sa posebnim zakonom – naziv naveden pod „Napomene“)
- Uvjerenje o radnom stažu (tj. Uvjerenje o podacima registrovanim u matičnoj evidenciji) izdato od Federalnog zavoda za penzijsko i invalidsko osiguranje (original ili ovjerena kopija) - naznačeni dokument dostavlja kandidat ukoliko je ostvario radni staž.
- Prijava prebivališta/boravišta u Kantonu Sarajevo, ne starija od datuma objavljivanja ovog Javnog oglasa (dostavlja je lice koje ostvaruje prednost prilikom zapošljavanja u skladu sa posebnim zakonom – naziv naveden pod „Napomene“)
- Potvrda o nezaposlenosti Službe za zapošljavanje Kantona Sarajevo, ne starija od datuma objavljivanja ovog Javnog oglasa (dostavlja je lice koje ima prednost prilikom zapošljavanja u skladu sa posebnim zakonom – naziv naveden pod „Napomene“)

NAPOMENE:

- **O datumu, vremenu i mjestu obavljanja pismenog i usmenog ispita kandidati će biti obaviješteni putem web stranice Univerziteta u Sarajevu www.unsa.ba, u dijelu „Konkursi“, nakon zatvaranja Javnog oglasa tj. isteka trajanja njegove objave.**
- O konačnim rezultatima (nakon provedene konkursne procedure) kandidati će biti pismeno obaviješteni.
- Rok za prijavu je 15 dana od dana objave Javnog oglasa u dnevnim novinama (*Dnevni avaz*), tj. od 27. 11. 2025. godine, na internet stranici Univerziteta u Sarajevu www.unsa.ba, JU Službe za zapošljavanje Kantona Sarajevo, www.szks.ba
- **Na prijavama obavezno naznačiti adresu i kontakt telefon** (poželjno i e-mail adresu)
- Nepotpune (prijave bez adrese i kontakt telefona), neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje
- Poslovnik o radu objavljuje se na oficijelnoj web stranici Univerziteta u Sarajevu www.unsa.ba, u dijelu „Konkursi“

Prednost u zapošljavanju po posebnim propisima

Prilikom zapošljavanja prednost imaju lica sukladno članu 1. stav (3), članu 6. stav (1) tačka e) i članu 23. Zakona o dopunskim pravima boraca-branitelja BiH („Službene novine Kantona Sarajevo“, broj: 31/22, 8/24), članu 19. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21, 10/22, 28/23, 32/24), odnosno Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20, 27/21), i Instrukciji o bližoj primjeni kriterija vrednovanja prema Uredbi o jedinstvenim kriterijima („Službene novine Kantona Sarajevo, broj: 38/20 i 28/21), a koja se dokazuje odgovarajućim dokumentima (potvrda, rješenje, uvjerenje i sl.) koji se prilažu prilikom prijave na Javni oglas, pozivajući se na poseban zakon po kojem imaju prednost.

Kandidati ostvaruju pravo na prioritet u zapošljavanju ukoliko ispunjavaju jedan od sljedećih uslova: da se nalaze na evidenciji nezaposlenih osoba JU Službe za zapošljavanje KS ili da su zaposleni sa

nižom stručnom spremom od one koju posjeduje, ili da su zaposleni po osnovu ugovora o radu na određeno vrijeme. Pored ispunjavanja jednog od navedenih uslova, kandidati moraju imati prebivalište/boravište u Kantonu Sarajevo.

Kako bi dokazali naprijed navedeno, kandidati trebaju dostaviti:

- Dokaz da se nalaze na evidenciji nezaposlenih osoba JU Službe za zapošljavanje KS (Uvjerenje sa biroa ne starije od datuma objave oglasa) ili dokaz da su zaposleni sa nižom stručnom spremom od one koju posjeduju (Potvrda poslodavca sa obaveznom naznakom stručne spreme s kojom je radnik zasnovao radni odnos kod poslodavca (ne stariji od datuma objavljivanja javnog oglasa) ili dokaz da su zaposleni na određeno vrijeme (Potvrda/Uvjerenje poslodavca da je radni odnos zasnovan na određeno vrijeme ne starija od datuma objavljivanja javnog oglasa);
- Prijavu prebivališta/boravišta (CIPS prijava) u KS ne stariju od 3 mjeseca od dana izdavanja od nadležnog organa;
- Dokumentaciju kojom se dokazuje status korisnika prava.

OBAVJEŠTENJE ZA KANDIDATE

- **Pitanja, listu propisa i literature iz oblasti iz koje će se polagati pismeni i usmeni ispit**, kandidat može preuzeti kod poslodavca, **na web stranici Univerziteta u Sarajevu www.unsa.ba, u dijelu „Konkursi“**

*Popis dokumentacije kojom se dokazuje status korisnika po predmetnoj Uredbi:

Redni broj:	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida- poginulog, umrlog i nestalog branioca i - Uvjerenje o učešću u Oružanim snagama za šehida poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu

4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruge ratnih vojnih invalida	Uvjerenje o statusu supruge ratnog vojnog invalida Rješenje o priznatom svojstvu na invalidninu	Općinska služba za boračko - invalidsku zaštitu

NAČIN I ROK PREDAJE PRIJAVA:

Vlastoručno potpisane prijave sa potrebnom dokumentacijom (ime i prezime, broj telefona, e-mail adresa, tačna adresa stanovanja) se dostavljaju do 12. 12. 2025. godine u zatvorenoj koverti sa naznakom „NE OTVARAJ - PRIJAVA NA JAVNI OGLAS – NAZIV RADNOG MJESTA NA KOJE SE PRIJAVLJUJETE“, lično na Pisarnicu Univerziteta u Sarajevu, ili poštom (preporučeno) na adresu sjedišta poslodavca:

UNIVERZITET U SARAJEVU
Obala Kulina bana 7/II
71000 SARAJEVO

Javni oglas ostaje otvoren 15 (petnaest) dana od dana objave obavijesti u dnevnim novinama, te na internet stranicama: Univerziteta u Sarajevu (www.unsa.ba) i Službe za zapošljavanje Kantona Sarajevo (<https://szks.ba/posao/>).

O rezultatima javnog oglasa svi prijavljeni kandidati biće obaviješteni u pismenoj formi.

Nepotpune, neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje.

Kontakt za dodatna obavještenja u vezi javnog oglasa: 033 565 104, 033 565 113 i 033 565 126